



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 46/56

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 15 » Մայ 2022 թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Քանաքեռ-Զեյթուն վարչական շրջանի ղեկավարի աշխատակազմի աշխատակից Մ. Մարգարյանի կողմից 03.10.2022 թվականին հայտնաբերվել է «Գովազդի մասին» ՀՀ օրենքի (հետայսու՝ Օրենք) 26-րդ հոդվածի 1.1 կետով նախատեսված իրավախախտում՝ մասնավորապես «Կոսմոբայլ» սահմանափակ պատասխանատվությամբ ընկերության կողմից Երևան քաղաքի Ազատության պողոտայի հ. 24/4 հասցեում գտնվող շինության ճակատային հատվածում, առանց արտաքին գովազդ տեղադրելու թույլտվության տեղադրվել է մոտ 5 քմ մակերեսով արտաքին գովազդ՝ «ARM MOBILE», «Վերանորոգման կենտրոն», «տեխնիկական և ծրագրային ապահովում», «Աքսեսուարներ» բովանդակությամբ, որի վերաբերյալ 17.10.2022 թվականին կազմվել է վարչական իրավախախտման վերաբերյալ թիվ ԳԱ-000012 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Կոսմոբայլ» սահմանափակ պատասխանատվությամբ ընկերության (ՀՎՀՀ՝ 00445552) տնօրեն Արման Բարեգամյանը ծանուցված լինելով 15.11.2022 թվականին կայանալիք գործի քննության տեղի և ժամանակի մասին «Կոսմոբայլ» սահմանափակ պատասխանատվությամբ ընկերության (ՀՎՀՀ՝ 00445552) տնօրեն Արման Բարեգամյանը կամ ընկերության ներկայացուցիչը չներկայացան, ուստի Վարչական իրավախախտումների վերաբերյալ օրենսգրքի (հետայսու՝ Օրենսգրք) 267-րդ հոդվածի 1-ին մասի համաձայն գործը քննվեց վերջիններիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ քաղվածքը, 03.10.2022 թվականի հ. 31/99432-22 ծանուցումը և իրավախախտման լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ «Կոսմոբայլ» սահմանափակ պատասխանատվությամբ ընկերությունը հանդիսանալով գովազդակիր, 03.10.2022 թվականի դրությամբ Երևան քաղաքի Ազատության պողոտայի հ. 24/4 հասցեում գտնվող շինության ճակատային հատվածում, առանց արտաքին գովազդ տեղադրելու թույլտվության տեղադրվել է մոտ 5 քմ մակերեսով արտաքին գովազդ՝ «ARM MOBILE», «վերանորոգման կենտրոն», «տեխնիկական և ծրագրային ապահովում», «www.armmobile.am», «բջջային հեռախոսներ, պլանշետներ, համակարգիչներ, նոթբուքներ, թվային ֆոտոխցիկներ, LTE.DSL, WI-FI մոդեմներ, բջջային հեռախոսների արքեսուարներ», «Աքսեսուարներ» բովանդակությամբ և այլ ապրանքային նմուշների պատկերներով, որով նաև իր նախաձեռնության մասին տեղեկություն է տարածում անորոշ թվով անձանց շրջանում, ձևավորելով հետաքրքրություն իր նախաձեռնության նկատմամբ:

Հաշվի առնելով, որ «Կոսմոբայլ» սահմանափակ պատասխանատվությամբ ընկերության տնօրեն Արման Բարեգամյանը կամ ընկերության ներկայացուցիչը չեն ներկայացնել գործի քննությանը, որի շրջանակներում հնարավորություն ունեին ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չեն ներկայացրել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անգզույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի 26-րդ հոդվածի 1.1-ին կետի համաձայն՝ Երևանի քաղաքապետն իրավասու է, Հայաստանի Հանրապետության գործող օրենսդրության համաձայն, տուգանք կիրառելու Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի 2.1.-ին կետի համաձայն՝ գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 252-րդ, 281-րդ և 282-րդ հոդվածներով, Օրենքի 26-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. «Կոսմոբայլ» սահմանափակ պատասխանատվությամբ ընկերությանն Օրենքի 26-րդ հոդվածի 1.1-րդ մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035500082 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱՆ



ԱՐԱՍ ՄԱՐՏԻՐՈՍՅԱՆ